

# SKIMUN FYRIR FJÖLÓNÆMUM BAKTERÍUM

Það er mikilvægt að sporna við útbreiðslu ónæmra baktería og sýklalyfjaónæmis. Markviss skimun er ein leið til þess. Meta skal áhættuþætti hjá einstaklingum:

- Sem eru í blóðskilun
- Sem leggjast inn á sjúkrahús
- Sem koma á bráðamóttökum, göngu- og dagdeildir
- Við fyrirsjáanlega innlögn.

Þar sem fyrirsjáanleg innlögn á fæðingarstofnun á við um flestar barnshafandi konur, falla þær undir þessa skimun.

## ÁHÆTTUMAT

Í fyrstu mæðraskoðun skal meta þörf á skimun fyrir fjölonæmum bakteríum og mikilvægt er að endurmeta þörf fyrir skimun ef kona nýtir sér heilbrigðisþjónustu erlendis seinna á meðgöngunni eða ferðast til landa utan Evrópska efnahagssvæðisins (EES), Bandaríkjanna og Kanada.

### Ef eftirfarandi spurningum er svarað játandi skal taka sýni fyrir MÓSA, BBL og VÒE:

- Hefur kona verið á erlendri heilbrigðisstofnun á síðustu sex mánuðum og dvalið þar meira en 24 tíma eða farið í blóðskilun?\*
- Er kona flóttamaður eða hælisleitandi?

\*Þetta á **ekki** við um stakar blóðprufur eða lyfjagjafir í æð/vöðva, þannig að konur sem einungis hafa farið í rútinublóðprufur í mæðraskoðun erlendis þurfa ekki MÓSA leit.

### Ef eftirfarandi spurningum er svarað játandi er einungis þörf fyrir að taka sýni fyrir MÓSA:

- Hefur kona áður greinst með ónæmar bakteríur?  
ATH! Ekki þörf á að skima aftur fyrir BBL og VÒE, ef viðkomandi hefur áður greinst með BBL og/eða VÒE, er hann alltaf beri. Við viss skilyrði er hægt að aflétta stöðu sem MÓSA beri.
- Hefur kona verið með kýli eða endurteknar húðsýkingar sl. 6 mánuði, sem voru meðhöndlaðar með sýklalyfjum?

### Ef eftirfarandi spurningu er svarað játandi er einungis þörf fyrir að taka sýni fyrir BBL:

- Hefur kona ferðast á síðustu sex mánuðum utan EES, Bandaríkjanna og Kanada?

## SÝNATAKA

Strok fyrir **MÓSA** er tekið frá:

- Nösum (einn pinni)
- Koki (einn pinni)
- Spöng (einn pinni)
- sárum og excemblettum ef til staðar eru

Strok fyrir **BBL** og **VÓE** er tekið frá:

- Endaþarmi, saurmengað (nota skal einn ræktunarpinna fyrir hvora ræktun)

Notaðir eru ræktunarpinnar fyrir almenna ræktun sem vættir eru í sterilu saltvatni, einn pinni í hvert strok.

Á sýkingavarnadeild LSH fást frekari upplýsingar, s. 543 1414.

- **MÓSA** = *meticillin ónæmur staphylococcus aureus.*
- **BBL**= *Breiðvirkir betalaktamasar (ESBL/AmpC/karbapenemasa myndandi bakteríur)*
- **VÓE** = *Vancomycin ónæmir enterokokkar*

Sjá nánar [Leiðbeiningar sóttvarnalæknis október 2019](#)

Ef skimun hefur ekki verið gerð hjá konu í áhættuhópi fyrir MÓSA, BBL eða VÓE þegar hún kemur inn í fæðingu eða innlögn, fer af stað mikið ferli einangrunar og vistarverur hennar (móttökuherbergi, fæðingarstofa, skurðstofa, sængurlegustofa) verða ónothæfar í nokkra daga.

**MÆÐRAVERND ÞRÓUNARSVIÐS HH, ENDURSKOÐAÐ OKTÓBER 2019**